

Goibekokale

ELGETA / Barikua / 2002ko irailaren 13a / 109. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Sagardotegi askotako kupelak bihar, zapatua, Sagardo Egunean

OXEL EROSTARBE

Gaztetxeak antolatuta, VII. Sagardo Eguna izango da bihar. Aurten, berritasun gisa, kalean jarriko dituzten kupelatan sagardotegi askotako sagardoa egongo da. Patata-tortilla lehiaketa ere izango da, eta Intxorta elkarteak lagunduko die gaztetxekoei.

Sagardo Eguneko ekitaldi garrantzitsuena 18:30ean hasiko da. Herriko elkarte eta koadrila gehienak plazan batuko dira, patata-tortilla lehiaketan. Dagoeneko 10 taldek eman dute izena eta gaur eta bihar artean gehiago izatea espero dute antolatzaileek. Berandu dabilzanek Haizean eta gaztetxean eman dezakete izena.

Ordubetea patata-tortilla guztiak amaitu beharko dituzte. Tortilla guztiak sei arrautza izan beharko dituzte, gutxienez. Gainerako osagaiak sukaldariaren esku geratuko dira. 19:30ean, tortilla guztiak jasoko dituzte, eta epaileek denak dastatu bezain laster jakingo dugu aurtengo lehiaketaren irabazleak nortzuk diren. Tortilla onenaren sariaz gainera, tortilla originalena egi-



Aurreko urteetan moduan, herriko elkarte eta koadrila gehienak plazan elkartuko dira patata-tortillak egiteko.

ten dutenei eta azken postuan geratzen direnei ere emango dizkiete sariak. Bestalde, arratsalde osoan sagardoa edateko aukera egongo da.

GAUEAN, AFARIA ETA KONTZERTUA

21:30ean, afaria izango da plazan. Txartelak nahi dituztenek gaztetxean galde dezakete ea tokirik dagoen. Afalostean, Potato eta

Doctor Deslai taldeen kontzertua izango da gaztetxean. Sagardoa edan eta reggae musika entzuteko aukera aparta izango dugu aurten ere elgetarrok.

HERRITARREN HITZA / Jabier Arantzeta • Irakaslia

Pasau zeinkena (ederra bildurra!)

GOIBEKOKALEn biharri gabizenok jakin dogu Garzon epailliak bere andria kartzelan sartu dabela. Hemen esango dotsuegu zelan izan diran gauzak:

Munduan ibiltzia asko gustatzen jakun jentia izanda, udan, Madrilen izan gara GOIBEKOKALEkuok zooko animalixak eta Madrillen ugarixak diran gabeko beste animalixa klase batzuk ikusten.

Gabeko ikustaldixetan zebilela, gure periodistarik ederrenak, izenik ez dogu emongo intimitatea gordetzeko eta inbidixarik izan ez dain, lartxo edan zeban gaba batian.

Ziharo meiorauta zeuala, andra zoragarri bat arrimau jakon. Bat meiorauta dauenian danak ikusten dittu zoragarri eta goxogoxo jardunian hasi ziran bixak, meiorautakouan jardunian be dexente hobeto egitten da eta gaba, danok uste dozuen moduan amaittu zan.

Hurrengo goizian, gure periodistiak hobeto ikusi zeban nun zeuan eta nor zeukan albu. Pentsau



“Atsuori jolaserako jarri zanian, jo eta fuego hasi zan gure mutilla”

kin atsuorrek. Oinguan be ez zoorik eta ez Eskorialik ez zeban ikusi gure mutillak.

zeban, zeukan edaderako atso hura kurioso zeuala; hola, armozua emon ostian hori atsuori barrero jolaserako jarri zanian, jo eta fuego hasi zan gure mutilla, Elgetan izena leku onian jartzen. Eta hain leku onian laga zeban Elgetan izena, ze hurrengo hiru egunetan be hantxe segitu zeban horrekin atsuorrek. Oinguan be ez zoorik eta ez Eskorialik ez zeban ikusi gure mutillak.

Iparraldeko mutillan indar basatixa ezagutu ostian, horrek atsuorrek gehixau nahi. Gure bikotiak Elorrixoko Ferixa Nagusittarako egin zeban zitia.

Hortxe harrapatu zittuan Don Baltasarrek Elorrixoko hotelian, bere andria eta gure periodistia. Kartzelara bisitia egin ostian, bixak libre dagoz eta guk honen barri izan dogu. Esan biharrekua da, normala dan moduan, Diario Vascok, eta bestiek lehenengo-lehenengotik zekittela honen barri. Izan be, Garzon jaunak bere andria sekuestrauta zeuala uste zeban, baiña demokraziaren izenian ixil-ixilik geratu dira.

LABUR

Eibarko Bandaren emanaldia domeka eguerdian

Kultura batzordeak antolatuta, Eibarko Bandaren bisita izango dugu domekan. Emanaldia plazan egingo dute, eguerdiko ordu batean. Lehenago, Salvador kalean behe-ra kalejira egingo dute.

Besteak beste, *Camino de Rosas, Agua, azucarillos y aguardiente, The best of Abba, Cancions de mare* eta *Eslabiar martxa* joko dituzte Elgetan domekan.

Euria egiten bada, Espalioan izango da Eibarko Bandaren emanaldia.

Organo kontzertua izango da bihar iluntzean elizan

Bihar, zapatua, 19:00etatik aurrera, organo kontzertua izango da elizan. Esteban Elizondo Uriarte organo jotzaileak emango du kontzertua. D. Zipoliren, N. Morettiren, Diego de Alvaradoren eta beste zenbait musikariren piezak entzun ahal izango ditugu. Esteban Elizondo Uriarte organo jotzailea nahiko ezaguna da. Donostiako Kontserbatorioko organo irakasle izandakoa da eta mundu osoan eman izan ditu organo kontzertuak.

Martitzenean hasiko da aerobik ikastaroa

Aerobikeko lehenengo taldeak datorren astean ekingo dio aurtengo ikasturteari. Martitzenean eta egunetan batuko dira kiroldegian, 20:00etatik 21:00etara. Aerobikean parte hartu nahi dutenek 15 euroko kuota ordaindu beharko dute. Interesa dutenek Kirol Zerbitzuetan eman beharko dute izena.

Kiroletako teknikari Oskar Carrascalek adierazi digunez, Kirol Zerbitzuek antolatutako gainerako zerbitzuak urrian hasiko dira.

IRAKURLIAREN TXOKUA

LORONTZIAK DIRELA ETA

Salbador kalean lorontzi batzuek jarri zituzten zenbait etxetako balkoiak kamioien kolpeetatik babesteko. Edo hori da behintzat niri heldutako informazioa. Ez dakidana da, noren pentsamenduz eta aginduz egin ziren gauzak.

Gutziz aldrebesa iruditu arren, kamioiek balkoiak ez jotzeko neurri zuzena zirudien. Beste aldeko balkoiak berriz, zer? Hauen gasaren hodiak zer?

Eta halako batean, non agertzen diren lorontziok atzera gainera igota! Zergatik? Oraingoan nork agindu du hau egiteko? Zer konpontzen da lorontziak dauden lekuan egonda? Konpondu ezer ere ez, eta berriz ere gauzak aldrebesatu: bi pertsona apenas kabitzen dira eta aulki batean dioan ezindua, ikusi egin behar! Beharbada, asko kostatzen zen lorontziak hasierako lekura bueltatzea, eta gehiago agian, egin zena gaizki egina zegoela onartzea. Gauzak bi bider pentsatu eta behin egin behar dira eta ez alderantziz.

IBAN RETOLAZA

ASTEKO GAIA

Abuztuan %85ean egon da beteta Egoetxeaga auzoko Barrenengua baserri turismoa

O.E.

Abuztuan ireki zuten Agustin Beretxinagak eta Maite Sadak Egoetxeaga auzoko Barrenengua baserri turismoa. Ibilbide berria ederto hasi dute, abuztuan bisitari ugari izan dituzte-eta. Oraingoan, behintzat, gustura daude emandako pausoarekin.

Bizimodu berrira ohitzen dihardute Barrenenguan. Urte eta erdi inguru baserri turismoa gertatzen ibili ondoren, uztailaren bukaeran zabaldu zizkieten ateak bisitariari.

Hasieran semeak ei ziren etxean kanpotarrik nahi ez zutenak. Baserria egokitzen joan diren neurrian eta abuztu honetan bisitariak izan ondoren, ez dute gauza bera pentsatzen. Abuztuan bisitari ugari izan dituzte Barrenenguan, eta semeak ondo moldatu direla esan digu Maitek.

Barrenengoko baserri turismoan, gehienez, 18 lagunendako lekua dute. Hara inguratzen direnek izango dituzten beharretan ere ederto pentsatu dute. Beheko solairuan egongela handia dute, baita eguneko otorduak egiteko jangela ere. Kontuan izan behar



Beheko solairuan jangela, egongela eta sukaldea ditu baserri turismoak.

dugu hantxe lo egingo dutenek otorduak han bertan egiteko aukera izango dutela. Sukaldea ere beheko solairuan dago. Bigarren eta hirugarren solairuetan logelak daude. Gutzira, sei loge-

la dituzte, bi ohekoak guztiak ere, bakoitza bere komunarekin. Hirugarren solairu horretan terraza aterata dute teilatuan. Baserri turismoak elbarriendako behar diren arau guztiak betetzen ditu.

Interneten ere laster egongo da Barrenengo baserri turismoa, www.nekatur.net webgunearen barruan agertuko da-eta. Posta elektronikoa erabiliz, www.barrenengua@terra.com, eta 943 76 82 21 telefonora deituz egin daitezke erreserbak. Bi lagunendako gela 40 euro kostatzen da.

ABUZTUAN, ITALIARRAK NAGUSI

Abuztuan izan duten bisitariekin oso pozik daude Barrenengoko ugazabak. Izan ere, baserri turismoa beteta eduki dute % 85ean.

Italiarrak izan dira nagusi aurtengo udan Barrenenguan. Maitek aipatu digunez, oso jende jatorra ei da. Murtziarrak, valentziarrak, kalaluniarrak eta iparraldekoak ere izan dira. Batez ere, jende gaztea etorri da, gehienak seme-alabekin. Guztiak nahiko harreman ona izan dute. Etorritako bisitariak esan dietenez, Euskal Herrian zehar turismoa egiteko leku egokian kokatuta dago Elgeta eta berriro ere etorriko dira.

Negurako beste era bateko bisitariak erakarri nahi dituzte Barrenengora, astean barrena enpresetako langileak eta asteburuetan bisitariak. GOIBEKOKALEkoon partetik, zorte on!

ESKOLA


28 eskola-umek eman dute izena egunero jantokian bazkaltzeko

Astelehenean hasi zen herriko umeendako 2002-2003 ikasturtea. Gutzira, 78 ikasle izango ditu Eskolak. Haiei eskolak ematen zortzi andereño izango dira.

Astelehenekoa lehen eskola eguna izan zen bi eta hiru urteko 13 neska-mutikorendako. Jon Arozenak, Nicol Barok, Leire Estévezek, Ana Mansok, Paula Palaciosek eta Ainhoa Zeziagak bi urtekoen taldea osatzen dute. Unai Andrések, Gari Arozenak, Ainara Belamendiak, Irune Errastik, Jabier Romerok, Etor Zubiaurrek eta Andoni Zubiaurrek, aldiz, hiru urtekoena. Edur- ne Arregi izango da andereñoa.

JANTOKIA NOIZ ZABALDU ZAIN

Ikasturte honetan eskolak izango duen berritasun nagusia jantokia da. Hasiera baten datorren astelehenean hasi behar zen jantokiko zerbitzua. Lerro hauek idaztean, jantokia ez zegoen gutziz osatuta. Altzariak eta beste zenbait material ekarri barik zeuden. Hori dela eta, seguruenik, umeek ezin izango dute bertan bazkaldu, ez, behintzat, astele-



Eskolako lehen egunean ez da batere erraza izaten gurasoei agur esatea.

henean. Dagoeneko 28 umek emanda zuten izena egunero jantokian bazkaltzeko. Eta zenbait gurasok nahiko burukomin izango dute umeak non utzi pentsa-

zuten. Auzolagun arduratuko da egunero bazkariak emateaz.

Jantokiaren arazoa amaituta zegoela zirudienean, Ordezkaritzak ez ditu altzariak bidali.



Intxorta inguruko ibilbidea

Debagoieneko herrietan egin daitezkeen ibilbideen gaineko informazio panelak jarri ditu Mankomunitateak. Elgetan Intxortaren inguruko ibilbidea aukeratu dute. Jarri duten panelko informazioa, ordea, ez da ondo ulertzen. Panela kokatu duten lekua kontuan hartuta maparen norabidea ez da zuzena eta zenbait leku-izen ere okerrak dira./O.E.

ERRETRATUZAHARRA

Simoni omenaldia egin ziotenekoa

Duela hilabete batzuk hil zitzaigun Simon Artolazabal musikari eta organo jotzaile antzuolarra. 1970. urte inguruan omenaldia egin nahi izan zion herriak, eta herri bazkaria egin zuten. Argazki honetan, bazkarian sukaldari eta zerbitzari lanetan ibili ziren herriko neska gazte mordoarekin batera ikus dezakegu Simon, Kalebarrendik frontoirako bidean.

Ezkerretik eskumara, eserita: Mariasun Gezalaga, ezezaguna, Tomasa Arbulu, Socorrito Jauregi, Ines Garitano, Itziar Manzidor, Begoña Lete, Mari Karmen Larrañaga, Begoña Zabalo, Maria Luisa Mendizabal, Ana Mari Toledo eta Pilar Iparra-girre.

Atzerago, makurtuta: Rosarito Larrañaga, Arantzazu Lete, Madalena Egaña eta Juli Kortabarria.

Zutik: Rosarito Jauregi, Mari Karmen Iparra-girre, Marilurdes Iparra-girre, Mariasun Ena, Rosarito Igarza, Begoña Aia-stui, Mari Karmen Iturbe, Simon Artolazabal, Maria



Luisa Txintxurreta, Bonifacia Azkarate, Pilar Lizarralde, Maria Jesus Irizar, Dorleta Atorrasagasti, ezezaguna, Mendizabal, Mari Jose Etxeberria eta Virginia Dupui.

Atzeko ilaran: Rosarito Azkarate,

Paco Legorburu, ezezaguna, ezezaguna, ezezaguna, Mari Karmen Irizar, Gabina Jauregi, Arantxa Alberdi, Arantxa Aranburu, ezezaguna, Lurdes Etxeberria, Milagros Larrañaga, Begoña Egaña, Mila Larrea, Elorza,

ezezaguna, Itziar Zabalo, Maria Jesus Arbulu, Pantxika Arin eta Pilar Aranguren.

Argazkia: Begoña Lete

NOLAALDATUDIRENGAUZAK

Olaran etxea dotore laga zuten

Urtetan lagata egon ostean, Lantegi Eskolako neska-mutilak fin aritu ziren Olaran etxea eraberritzeko lanetan. Otsailerako prest zegoen guztia, eta hil horretan bertan inauguratu zuten.

Lehenengo solairua Udalarena da, eta, besteak beste, erakusketak egiteko erabiltzen dute. Gainerako solairuak Mankomunitateak erabiliko ditu.



1999 Urtetan egon zen lagata Olaran etxea. Aurreko aldeko harrizko hesia, esaterako, desagertuta dagoela ikus dezakegu.



2002 Olaran etxearen jatorrizko egiturari eta itxurari eutsi diote, baina guztiz eraberritu dute. Etxearen inguruak ere aldatuta daude.



Zumelaga

JATETXEA

60 urte zuen zerbitzura!

San Antonio 5. BERGARA. 943 76 20 21

KONDE PANADEROKUA



Burdiñate 1
943 76 02 57
Toki Eder plaza 3
943 76 14 87
BERGARA

GABILONDO

INMOBILIARIA

Etxebizitzak, garajeak, lokal komertzialak, baserriak, lur sailak...

Burdiñate BERGARA Tel.: 646 665 854
San Frantzisko 51, 1-D ELGOIBAR Tel.: 943 74 44 67




San Juan 1 A,
BERGARA
943 76 54 91
Faxa:
943 76 08 04

UGARTE

AROSZTEGIA-ALTZARIAK



Apainketa • Soruak • Leihoak • Ateak • Horma armairuak



BOLATOKI

Taberna

Eguneko menua

Asteburuan menu bereziak,
ospakizunak eta agur-afariak

Karta enkarguz

Artekale 2, ELGETA. 943 76 82 84



Guipuzcoana Euro Express: Nazio eta Europa mailako paketeria garraioa

San Juan Erreka z/g Elgeta bidea. Bergara - Tel. 943 763 642 - Faxe 943 765 425

